

**A FAC-
TORÍA**

Espazo formativo
de Rexenerando

CURSO MEDIO DE FACILITACIÓN DE GRUPOS

Ferramentas e habilidades para a xestión de colectivos

120h → Marzo 2021 → Decembro 2021

—————→ Santiago de Compostela

Acredita

iiface
instituto de facilitación y cambio

Organiza


**rexe
nera
ndo** | *S. Coop.
Galega*

**INFORMACIÓN
E INSCRIPCIONES**

info@rexenerando.com
(+34) 604 03 35 15

INTRODUCCIÓN

A facilitación é o conxunto de habilidades, técnicas e ferramentas para crear as condicións que permitan un desenvolvemento satisfactorio dos procesos grupais e persoais. Nun grupo non só temos reunións e tomas de decisións senón que hai outros espazos de participación igualmente importantes: a creatividade, a cohesión grupal, o espazo emocional do grupo e de resolución de conflitos. Cada un deles require de habilidades e técnicas diferentes para ser xestionado, asegurar o bo funcionamento do grupo e que a diversidade inherente a calquera grupo sume en vez de restar.




DIRIXIDO A


Esta é unha formación dirixida a aquelas persoas que cursasen o Curso Básico de Facilitación e Xestión de Grupos do IIFAC-e (120h). As persoas ás que lles falte algún módulo do Curso Básico, poden comezar o nivel medio co compromiso de completar o Básico neste mesmo ano.

OBXECTIVOS


Este Curso Medio de Facilitación de Grupos ten como obxectivos:



Practicar ferramentas de facilitación de grupos para os catro espazos grupais con supervisión, nun espazo de aprendizaxe seguro. Ao longo de todo o nivel medio darase moita importancia a traballar no feedback co obxectivo de afinar as habilidades persoais das persoas como facilitadoras.



Desenvolver habilidades persoais e afondar nos contidos teóricos para adquirir solvencia nas competencias da facilitación de grupos.



Capacitar ás persoas estudantes para o desenvolvemento da actividade profesional en relación ao emprendemento de proxectos de facilitación e deseño de intervencións (accións formativas, de asesoramento, facilitación en acción).

ESTRUTURA E METODOLOXÍA

O Curso Medio de facilitación de grupos consta de 120h lectivas, repartidas en oito módulos de fin de semana de 15h cada un. A maiores, contempla 30h de traballo persoal, composto pola elaboración dun diario persoal de aprendizaxe e un traballo final.

A nivel metodolóxico, traballarase cunha técnica coñecida como CAO (Classroom as Organization, a clase como unha organización). Nela, o propio grupo de aprendizaxe considérase un grupo cuasi-real coa súa propia visión e obxectivos a desenvolver ao longo do curso. Os primeiros módulos desenvolveranse en base a unha axenda pechada de contidos, na que as persoas participantes practicarán a facilitación nos catro espazos grupais (indagación, xestión emocional, conexión e toma de decisións). Conforme o grupo vaia gañando madurez e apoderamento, tamén gaña autonomía para desenvolver o seu propio itinerario de contidos en función das súas necesidades e intereses.

Cada módulo contará coa coordinación activa de dúas ou tres alumnas/os. A súa misión será coidar do grupo durante todo o encontro e encargarse do inicio e peche. Ao final do curso, todas as persoas terán facilitado como mínimo nos catro espazos, incluíndo o rol de coordinadora da fin de semana.

O feedback é especialmente importante na metodoloxía de aprendizaxe do Curso Medio, incluíndo o do equipo formador, as demais persoas participantes e a propia reflexión persoal.

120H LECTIVAS

8 MÓDULOS

30H T.PERSOAL

CAO
**A CLASE COMO UNHA
ORGANIZACIÓN**

DESENVOLVEMENTO

O desenvolvemento básico da formación é o seguinte:

Módulos 1 e 2.

Collendo confianza, mirando cara atrás. O grupo vaise coñecendo, coñece o formato e a proposta do curso, as persoas participantes experimentan nos seus grupos de prácticas e acostúmanse a recibir feedback neste contexto.

Módulos 3 e 4.

Abríndonos aos desafíos, conectando co momento. O grupo ten máis confianza e hai unha maior diversidade de relacións, situacións, etc. entre os e as participantes. Ademais de recibir feedback ao final, ábrese o momento de observar que lle sucede a cada persoa cando facilita.

Módulos 5 e 6.

Afinando a miña ruta persoal, escollendo o tipo de feedback. O grupo xa ten experimentado diferentes estilos e cada persoa pode ter unha maior claridade respecto a cales son os seus puntos de aprendizaxe próxima, en que aspectos do seu estilo de facilitación está a traballar e como quere o feedback.

Módulos 7 e 8.

Co-responsabilidade na miña profesionalización, o camiño persoal. Estes módulos están abertos á elección grupal e /ou persoal.

DATAS

O curso desenvolverase entre marzo e decembro de 2021, nos seguintes módulos de fin de semana:

5 - 7 / Marzo

9 - 11 / Abril

14 - 16 / Maio

11 - 13 / Xuño

9 - 11 / Xullo

17 - 19 / Setembro

15 - 17 / Outubro

12 - 14 / Novembro

EQUIPO DOCENTE



Foto: Charo Lopes

Anna Pujol Villarroya

—Coordinadora e docente

Anna é facilitadora de procesos grupais e individuais e formadora. Licenciouse en Ciencias Ambientais pola Universitat Autònoma de Barcelona, e é diplomada en Traballo de Procesos. É socia do IIFAC-e, do Instituto de Traballo de Procesos e Democracia Profunda do Estado español e da cooperativa Resilience Earth. Conta con máis de dez anos de experiencia en traballos de facilitación con organizacións diversas. A súa especialidade é o traballo con colectivos situados nas marxes da sociedade, e temas como a xestión do conflito, o liderado e o poder.

César Fernández Pérez

—Docente

César é facilitador, terapeuta e formador. Licenciouse en Ciencias do Mar pola Universidade de Vigo, e é diplomado en Traballo de Procesos. É socio fundador do IIFAC-e e do Instituto de Traballo de Procesos e Democracia Profunda do Estado español, e forma parte da cooperativa Resilience Earth. Ao igual ca Anna, conta con máis dunha década de experiencia na facilitación, acompañando persoas e organizacións no desenvolvemento da súa visión, estrutura organizativa, xestión de conflitos e toma de decisións. Foi o coordinador de todas as edicións do Curso Básico e Curso Medio do IIFAC-e

ENDEREZO

Rúa Dublín, 3
15707—Santiago
de Compostela

PREZO*

1050 €
—Curso completo

HORARIO

VENRES:
16 a 20 h

SÁBADOS:
10 a 14h
16 a 19h

DOMINGOS:
10 a 14 h

PRAZOS

MATRÍCULA:
100 €
—antes do 15
de febreiro

1 PAGAMENTO:
450 €
—do 16 de febreiro
ao 4 de marzo

2 PAGAMENTO:
500 €
—do 8 de marzo
ao 9 de xullo

*O PREZO INCLÚE:

8 módulos de formación
de 15 h/módulo

Sala de formación

Documentación e materiais

Apoio telématico dos titores/
as para a realización dos tra-
ballos persoais


Matrícula para gastos admi-
nistrativos

COVID-19

Seguimos apostando pola presencialidade neste tipo de formacións, de longa duración e cunha metodoloxía práctica e vivencial. O desenvolvemento farase con todas as garantías sanitarias para as persoas participantes. A organización conta cun plan de continxencia para este curso no que se contemplan todas as necesidades derivadas da normativa da COVID-19 (sala adaptada, material hixiénico-sanitario, protocolo de desinfección, etc), e irá facendo un seguemento exhaustivo da normativa para garantir o seu cumprimento en todo momento. No caso de que a situación sanitaria impida o desenvolvemento dalgún módulo de maneira presencial, pasarase a formato online, adaptando os contidos e metodoloxías para facelas sostibles na contorna virtual, e garantindo a calidade da formación.

DEVOLUCIÓN

O importe da matrícula non é reembolsable, e só será devolto se finalmente non hai alumnado suficiente para levar o curso adiante. A formación está deseñada como unha unidade pedagóxica, polo que o importe non será devolto unha vez comezado o curso. En caso de forza maior, poderase proceder a unha baixa co curso xa iniciado. Esta baixa implica que non se abona o importe que falte por pagar, pero non se devolve o xa pagado.



AXUDAS

Unha vez acadadas as 22 persoas inscritas hai posibilidade de dúas bolsas de axuda do 25% do importe do curso. Se estás interesado/a nesta opción, envía un correo electrónico a info@rexenerando.com. Prazo de solicitude de bolsa: antes do 15 de febreiro.

BONIFICACIÓN

Este curso pódese acoller á modalidade de formación programada polas empresas para as persoas traballadoras (Real Decreto-lei 4/2015, de 22 de marzo). O alumnado que cumpra cos requisitos básicos, ser traballadoras/es por conta allea e que as súas empresas coticen no réxime xeral da Seguridade Social por elas/es, poderán obter un desconto total ou parcial no custe do curso, dado que as empresas dispoñen dun crédito para a formación das persoas traballadoras bonificable nas cotizacións empresariais á Seguridade Social. Para máis información escribe a info@rexenerando.com.

Organiza

Rexenerando
S. Coop. Galega

Certifica

IIFAC-E

CERTIFICACIÓN

Este curso está deseñado en base a un itinerario formativo máis amplo en Facilitación de Grupos que acredita o IIFAC-E, Instituto Internacional de Facilitación e Cambio-España, conformando o seu ano medio (facilitacion.org). Ao finalizar entregárase o certificado do IIFAC-E de acreditación do nivel medio na formación de Facilitación de Grupos. Requirírase a asistencia total dun 75% das horas presenciais e un 75% de asistencia das horas de cada módulo, ademais da entrega dos traballos persoais.

INFORMACIÓN E INSCRIPCIÓN

info@rexenerando.com
(+34) 604 03 35 15